



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 19/804	Løpenr: 19/9638
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	05.12.2019	093/2019

Val av ymse nemnder, råd og utval m.m 2019-2023

05.12.2019 Kommunestyret:

Handsaming i møtet:

Brigt Olav Gåsdal (Ap) viste til at ifølgje statuttane til Ole Hildersmark og søskens legat skal ordføraren og leiaren i naturutvalet vera faste medlemmer, og at det som følgje av dette måtte gjerast ei endring i forhold til arbeidsutvalet sitt framlegg. Endringa er at Karl B. Kollbotn (leiar i naturutvalet) får status som fast medlem og at Øyvind Røen får status som medlem.

Øyvind Røen (Sp) sette fram framlegg om at Linda Haug Kollbotn vert medlem i kyrkjeleg fellesråd i staden for Inge Aasgaard.

Brigt Olav Gåsdal viste til arbeidsutvalet sitt framlegg om at varamedlemslista for plassnemnda for idrettsanlegget i Hagabotnane består av tre menn, og spurde om reglane om kjønnsbalanse gjeld for denne nemnda. Martin Haugen (Bl) foreslo at Anja Elisabeth Gjerde Markhus (Bl) vert varamedlem i plassnemnda i staden for Karl B. Kollbotn (Frp).

Etter debatten vart det avklart at Øyvind Røen og Brigt Olav Gåsdal skulle stå som felles forslagsstillarar for endringsframlegga som er nemnde i avsnitta ovanfor. Det felles endringsframlegget deira var som følgjer:

"Som arbeidsutvalet sitt framlegg, men med følgjande endringar:

- Karl B. Kollbotn (leiar i naturutvalet) vert fast medlem og Øyvind Røen vert medlem i Ole Hildersmark og søskens legat.*
- Linda Haug Kollbotn vert medlem i kyrkjeleg fellesråd i staden for Inge Aasgaard.*
- Anja Elisabeth Gjerde Markhus vert varamedlem i plassnemnda for sentralidrettsanlegget i Hagabotnane i staden for Karl B. Kollbotn. "*

Framlegget til Øyvind Røen og Brigt Olav Gåsdal vart samrøystes vedteke. Arbeidsutvalet sitt framlegg fekk ingen røyster.

KS- 093/2019 Vedtak:

Arbeidsutvalet sitt framlegg vert vedteke, med følgjande endringar:

- Karl B. Kollbotn (leiar i naturutvalet) vert fast medlem og Øyvind Røen vert medlem i Ole Hildersmark og søskens legat.
- Linda Haug Kollbotn vert fast medlem i kyrkjeleg fellesråd i staden for Inge Aasgaard.
- Anja Elisabeth Gjerde Markhus vert varamedlem i plassnemnda for sentralidrettsanlegget i Hagabotnane i staden for Karl B. Kollbotn.

Arbeidsutvalet sitt framlegg til vedtak:

Framlegget til val av nemnder, råd og utval for kommunestyreperioden 2019-2023 frå arbeidsutvalet vert vedteke slik det ligg føre.

Dokument som er vedlagt:

Arbeidsutvalet sitt forslag til nemnder, råd, utval m.m. 2019-2023

Kva saka gjeld:

Kommunestyret vedtok på kommunestyremøtet 24.10.2019 i sak 067/19 å oppretta eit arbeidsutval for val av ymse nemnder, råd og utval for kommunestyreperioden 2019-2023.

Følgjande personar vart valde inn i arbeidsutvalet:

Parti/gruppe	Medlem	Varamedlem
Bygdalista	Ove Totland	Anja Elisabeth Gjerde Markhus
Senterpartiet	Monica Tjønna	Øyvind Røen
Kristeleg folkeparti	Gunn Totland Moss	Sigmund Dyrhovden
Framstegspartiet	Karl Bård Kollbotn	Håvard Tvedterås
Høgre	Arild Røen	Eva Hellevang
Miljøpartiet Dei Grøne	Øyvind Strømmen	Oskar Røen
Arbeiderpartiet	Shirin Kvernes Khadoor	Jon Magne Borgevik

Arbeidsutvalet hadde eit arbeidsmøte på kommunehuset 13.11.2019.

Ein del nemnder, råd og utval skal ikkje veljast før hausten 2020. Det gjeld meddommarar til Nordhordland tingrett, lagrettemedlemmar og meddommarar til Gulating lagmannsrett, jordskiftemeddommarar til Nord- og Midthordland jordskifterett, representantar til forliksrådet og skjønsmenn. Arbeidsutvalet vel difor å utsetja arbeidet med å utarbeida forslag til representantar/ vararepresentantar til desse ulike nemndene, råda og utvala til våren 2020.

Presiseringar vedkommande nokre nemnder, råd og utval:

VannVest AS - DIHVA IKS (Driftassistansen i Hordaland - Vann og avløp IKS)

DIHVA IKS vart etablert i 2004 og er i dag ein samarbeidsorganisasjon mellom 33 kommunar innan offentleg vatn og avlaup. Då DIHVA IKS vart stifta vart det lagt til grunn at nye eigarar kunne takast opp gjennom vedtak i representantskapet. IKS-loven set derimot krav til kommunestyrevedtak i alle eigarkommunane dersom fleire eigarar skal inn. Dette er ein svært tidskrevande prosess. Ved å endre selskapsform til AS, vil ein generalforsamling eller etter fullmakt styret kunne bestemme å ta inn nye eigarar.

Stiftelsesmøte i nye VannVest AS er 04.12.2019 der ordføraren vil vera Samnanger sin representant. Samnanger er ein av dei 33 eigarkommunane og kvar aksjonær skal ha ei stemme i generalforsamlinga til Vannvest AS.

Vedtak i kommunestyret 17.10.2019 sak 052/19:

- a. *Samnanger kommune vedtek å delta i stiftinga av Vannvest AS. Ordførar får fullmakt til å representera kommunen på stiftingsmøtet.*
- b. *Kommunestyret vedtek å yta eit ansvarleg lån til Vannvest AS tilsvarande kr. 5 pr. innbyggjar. Lånet vert finansiert av disposisjonsfondet.*
- c. *Samnanger kommune vedtek å tre ut av Driftsassistansen i Hordaland - Vann og avløp IKS med verknad frå 01.09.20. Dersom stifting av nytt Vannvest AS skjer etter 01.11.19 vert tidspunkt for å tre ut av IKS'et tilsvarande forskyve.*

Ole Hildersmark og søskens legat til Samnangers vel

Arbeidsutvalet har fått informasjon om at legatet truleg vil verta avvikla innanfor kommunestyreperioden 2019-2023.

Solvor Aadland har opplyst bygdalista sin representant i arbeidsutvalet, Ove Totland, om at legatet i denne perioden har vore samansett av følgjande personar:

Faste medlemmar: Knut Harald Frøland og Øyvind Røen

Medlem: Helga Nygård, Karl B. Kolbotn, Solvor Aadland.

I administrasjonen sine lister er samansetninga av legatet noko ulikt frå Aadland sine opplysningar. Opplysningane er tekne til etterretning.

Forslaget frå utvalet er at dei sitjande medlemmane fortset fram til legatet vert avvikla.

Dyrevernsnemnd

Dyrevernsnemndene er ein del av Mattilsynet. Nemndene skal bistå i det lokale tilsynsarbeidet med lekmansskjønn i dyrevelferdssaker. Kommunen kan foreslå deltakarar, men det er Mattilsynet som vel dei regionale nemndene. Arbeidsgruppa legg fram forslag om to personar frå Samnanger.

Kyrkjeleg fellesråd

Kommunen sin representant i rådet har dei same rettigheitat og pliktar som dei andre representantane i rådet. Det betyr mellom anna at vedkommande må vera medlem av Den norske kyrkje, jf. §29 i kirkeloven.

Plassnemnd for sentralidrettsanlegget i Hagabotnane

Det vart vedteke i kommunestyresak 18/2000 "at det skal vera eit styre/kontaktorgan for sentralidrettsanlegget i Hagabotnane. I dette styret sit representantar frå brukarane saman med kommunalt oppnemnde medlemmar. Frå kommunen skal det veljast 3 representantar med vararepresentantar. Kommunen bør og peika ut leiar og nestleiar."

Etter at dette vart vedteke i 2000, har kommunestyret valt nye representantar til styret kvar kommunestyreperiode.

Det har vore lite aktivitet i nemnda i noverande kommunestyreperiode.

Stiftinga Kystkultur no! – Stiftinga Kystsogevekene

Kommunestyret gjorde vedtak om innmelding i sak 051/18.

Stiftinga skifta namn i april 2019 frå Kystsogevekene til Kystkultur no!

Ordføraren var kommunen sin representant i representantskapsmøtet i 2019.

Det må takast atterhald om at arbeidsutvalet kan gjera små endringar i forslaget sitt fram til handsaminga i kommunestyret 05.12.2019.